

# OMAN

Od pješčanih pustinjskih dina do plaža, kanjona i planina...

Termin putovanja 12.02.2022. - 18.02.2022.



Postoje dijelovi svijeta koji su nepoznati, skriveni i puni iznenađenja. Arabijsko poluostrvo je vijekovima budilo romantične priče o pustinji, drevnim kulturama, beduinima, bogatim zelenim oazama, plantažama hurmi, krdima kamila, ženama obučeni u živopisne nošnje prekrivenih lica, zanimljivim tržnicama, čuvenim arapskim konjima i još mnogo toga zanimljivog kao iz zbirke priča Hiljadu i jedna noć. Upravo jedno takvo mjesto nalazi se u državi Oman, nedovoljno istraženom kutku svijeta.

## CIJENA ARANŽMANA:

**999,00 KM za rane rezervacije do 31.10.2021.**

**1149,00 KM za rezervacije od 01.11.2021.**

### U CIJENU URAČUNATO:

- prijevoz avionom Pegasus airlines Sarajevo-Istanbul- Muscat-Istanbul –Sarajevo
- smještaj u hotelima 3\* **na bazi punog pansiona (doručak, ručak, večera)**, osim 13.02. kada je usluga polupansion (doručak/večera)
- transfer aerodrom-hotel-aerodrom
- organizacija putovanja
- pratilac grupe
- Muskat city tour

### OBAVEZNE DOPLATE: 479,00 KM ( plaća se u agenciji)

- Izlet Wadi Shab, Sur, Ras Al Hadd sa posjetom rezervatu kornjača
- Izlet sa noćenjem - Wahiba sands (beduinsko naselje u pustinji)
- Izlet u Nizwu

### U CIJENU NIJE URAČUNATO:

- aerodromske taxe 349,00 KM (plaćaju se u agenciji)
- doplata za jednokrevetnu sobu -----300,00 KM
- Cjelodnevni izlet brodom u Muscatu sa ručkom 65 EUR
- doplata za putno osiguranje i osiguranje od otkaza putovanja za osobe preko 60 godina 28,00 KM
- ostale usluge koje nisu izričito navedene u ovom programu

**Cijene izražene po osobi u dvokrevetnoj / trokrevetnoj sobi.**



## Program putovanja:

### I DAN 12.02.2022. Subota SARAJEVO – ISTANBUL – MUSCAT

Sastanak na aerodromu dva sata prije leta. Podjela dokumenata i prijava na let PC 292 (Pegasus Airlines). Polijetanje u 15:55 h, slijetanje u Istanbul u 19:45 h, po lokalnom vremenu, te nastavak leta za Muscat na liniji PC 870 u 21:25 h. Dolazak u Muscat u 03:25 h. Nakon pasoške i carinske kontrole transfer do hotela. Dobrodošli u Oman, arapski

dragulj smješten na samom početku Perzijskog zaliva. Poznat je po svojoj bogatoj historiji, prirodnim bogatstvima, šarolikom reljefu i jedinstvenoj kulturi. Sve to je dodatno obogaćeno brojnim arheološkim i historijskim lokalitetima i festivalima koji se održavaju tokom godine. Smješten na uzanom pojasu između planina i mora, glavni grad Omana, Muskat (Muscat) proteže se 50 kilometara duž Arapskog zaliva. Gradsku panoramu ukrašavaju zlatni minareti, utvrđenja i kule i linija Arapskog mora. Cijeli grad podsjeća na jedno veliko utvrđenje uklesano u stijene okolnih planinskih lanaca. Osim centra grada, tu je i Mutrah (Muttrah) gde se nalazi najveća i najljepša gradska promenade, kao i Ruvi (Ruwi), poznatiji kao "mala Indija", gdje su načičkane brojne prodavnice i trgovački centri.

### II DAN 13.02.2022. Nedjelja MUSCAT

Prijava u hotel. Odmor. U poslijepodnevni satima fakultativni obilazak **grada Muscata (Kraljevska opera - Muttrah Souk - Palača Al Alam)** Proći ćemo pored Kraljevske opere imponantnog objekta građenog prema ideji voljenog sultana, koji je oduvijek bio ljubitelj klasične muzike i umjetnosti. Kraljevska opera najznačajniji je kulturni i umjetnički centar cijele zemlje. Ova zgrada odražava savremenu omansku arhitekturu i ima kapacitet da primi maksimalno 1100 ljudi. Opremljena je



najsavremenijom tehnologijom i služi za operu, balet i simfonijske koncerte. Njena izgradnja bila je predmet velike polemike među stanovnicima Omana. Postavlja se pitanje da li je jedan tako skup i grandiozan projekat zaista bio potreban zemlji u kojoj većinsko stanovništvo ima nisko obrazovanje ili je sultan izgradio za svoju dušu.



Nedaleko od zgrade opere nalazi se pješčana plaža **Qurum Cornichea** sa mnoštvom restorana i luksuznih hotela, koja je savršeno mjesto za odmor i relaksaciju. Šetalište uz obalu ima uređeni prostor za piknik na kome lokalno stanovništvo organizuje porodična okupljanja. Qurum Cornichea je mjesto na kome u nekom od restorana ili jednostavno uz plažu pod palmom možete uživati u predivnom zalasku sunca. U neposrednoj blizini plaže nalazi se i istoimeni park, najveća i najljepša zelena oaza u gradu. Naš obilazak nastavljamo prema oblasti **Korniš**, šetalištu pored mora.

U njemu se nalazu **Mutrah suk**, tradicionalna tržnica isprepletana uličicama i uskim prolazima koja važi za jednu od najbogatijih na Arabijskom poluostrvu. U suku možete pronaći mnoštvo zlatara, prodavnica tekstila, začina i još mnogo toga karakterističnog za ovaj region. Pored mnogo različitih opojnih mirisa koje ćete osjetiti jedan je posebno dominantan, a to je miris tamjana. Ova aromatična smola može se pronaći širom zemlje i paljenjem tamjana razvija se neobično jak i prijatan miris koji ćete osjetiti širom tržnice dok prolazite kroz nju. Na kraju Korniša je riblja pijaca, nalazi se uz samu obalu gdje u jutarnjim satima ribari pristaju svojim barkama sa svježim ulovom koji istog dana prodaju. Interesantno je da na pijacama u Omanu nećete sresti žene, ovdje samo muškarci prodaju i kupuju. Na suprotnom kraju Korniša nalazi se stara kula sa koje se pruža pogled na cijelu oblast i Omanski zaliv. Nakon kraće pauze nastavljamo prema sultanovoj palači, još jednom primjeru moderne arapske arhitekture, koja služi kao kancelarija šefa države sultana Qaboosa. Svojom šarenom fasadom potpuno dominira trgom na kome se na suprotnoj strani nalazi Nacionalni muzej Omana. **Palača Al Alam** okružena je tvrđavama **Al Jalali i Al Mirani** koje su sagrađene 1580. godine za vrijeme portugalske okupacije, danas su pretvorene u muzej koji mogu posjetiti samo



visoki zvaničnici koji posjećuju zemlju. Turistima nije dozvoljen ulaz. Slobodno vrijeme, povratak u hotel, večera i noćenje.

**III DAN 14.02.2022. Ponedjeljak**

**MUSCAT - WADI**

**SHAB - SUR - RAS AL HADD**

Doručak. Nakon doručka odjava iz hotela. Naš obilazak započinjemo posjetom **velikoj džamiji "Sultan Qaboos"**. Sjajan primjer moderne islamske arhitekture koja simboliše preporod zemlje, želju za spajanjem drevne tradicije sa


modernim vremenom. Okružena je vrtom sa mnoštvom cvijeća i zelenila. Sagrađena je 2001. godine, nakon gotovo sedam godina rada, a bio je to poklon sultana svom narodu povodom 30 godina vladavine. Džamija leži na prostoru od 416m<sup>2</sup> ima jednu glavnu kupolu i pet minareta koji simbolišu pet stubova islama, minaret od 90 m. i još četiri minareta visoka 45, 5 m. Pored atraktivnih građevinskih osobina, interijer džamije ima svoju ljepotu. Središnji luster džamije izrađen je od 600.000 Swarovski kristala i visok je 14m. Džamijski pod pokriven je jedinstvenim Perzijskim tepihom koji se smatra drugim po veličini u svijetu. Izrada je trajala četiri godine, okupljajući 1,7 milijardi čvorova od 28 različitih boja, koristeći klasične perzijske tradicije poput: Tabriz, Kashan i Isfahan.

**\* Imajte na umu da žene moraju biti u potpunosti pokrivena od glave do članaka, a muškarci treba da nose duge pantalone da bi mogli ući u Veliku džamiju.**



Nakon obilaska džamije putovanje nastavljamo prema **“Bimmah sinkhole”**, Vrtača Bimmah je prirodna znamenitost - nastala je u krečnjaku urušavanjem velike špiljske komore. Raniji stanovnici su vjerovali da je ovu rupu formirao meteorit ("komad mjeseca"). Široka je približno 70 m, duboka 20 - 30 m. Na dnu se nalazi duboko modrozeleno jezero. Nakon kraće pauze nastavljamo prema **Wadi Shab** – što u našem prijevodu znači klisura smještena između litica. Wadi su suha korita između dubokih uskih klisura koji se probijaju kroz brojne planine Omana. Kako bi izbjegli vrućine ove klisure su postale kao igrališta za domaće stanovnike a i turiste. Iako nema ceste pristup Wadi Shab-u, je prilično lagan a samo putovanje do odredišta je nevjerovatno, traje manje od jednog sata, valovitim planinskim terenom, šetnicom uz vijugavu rijeku, a možete hodati ili plivati kroz tirkizno plave bazene kako

biste stigli do odredišta. Svaki bazen je jedinstven i varira u dubini. Neke možete jednostavno pregaziti, dok su drugi toliko duboki da ne možete dodirnuti dno. Mnogo algi prekriva kamenje, što može učiniti ulazak i izlazak iz raznih bazena skliskim i neugodnim.



Na kraju, izgleda da više ne možete plivati - sve dok ne ugledate malu pukotinu u visokoj litici od krečnjaka. Poslušajte savjet lokalaca, ta mala pukotina je ulaz u masivnu djelomično potopljenu pećinu s vodopadom. Slobodno vrijeme za kupanje i ručak ... Dalje, nastavljamo putovanje prema **Wadi Tiwi**. Poznata je kao „Wadi iz devet sela “. Sa svojim nizom smaragdnh bazena i gustim plantažama palmi i banana Wadi Tiwi po ljepoti je gotovo konkurencija svom susjedu, Wadi Shabu, posebno u proljeće kada sve ozeleni s obje strane wadija.

Nastavljamo prema starom pomorskom gradu Sur, poznatom po svom

pristaništu i brodogradilištu tradicionalnih omanskih drvenih ribarskih brodova (dhow) koji se i danas grade ručno. Sur je bio važna luka do izgradnje Sueckog kanala. Nalazi se na sjeverno-istočnoj obali Omana, najbliži Indiji, preko njega se s njom najviše trgovalo. Zato su ovdje naučili graditi najbolje brodove. I danas je Sur poznat po tradicionalnoj brodogradnji, taj su stari zanat dobro iskoristili. Drugo, po čemu je Sur poznat širom svijeta, je rezervat Ras al Jinz Turtle Reserve u kojem morske kornjače dolaze položiti jaja. Po dolasku u Sur obilazak brodogradilišta. Nakon obilaska brodogradilišta, odlazak u Ras al Hadd, smještaj u hotel, večera. Nakon večere odlazak u rezervat kornjača. Kornjače u večernjim satima izlaze na obalu da polože jaja. Povratak u hotel. Noćenje.



**IV DAN 15.02.2022. Utorak**

**SUR - WADI BANI KHALID - WAHIBA SANDS**

Doručak. Nakon doručka odjava iz hotela. Putovanje nastavljamo prema jednoj od najljepših oaza u Omanu **Wadi Bani Khalid**.

Ovaj wadi jedan je od najpristupačnijih, najvećih i najslikovitijih wadija u Omanu, jedina oaza u kojoj ima vode tokom čitave godine i postalo je omiljeno izletišta. Stranci se dođu kupati, a domaći roštiljaju. Preko mostića ide se do restorana na drugoj strani jezera. Tu se u hladovini odmaraju oni koji neće plivati. Wadi se sastoji od donjih i gornjih bazena, a svaki varira po veličini, dubini i broju vodopada. Ono što je veoma specifično za ovu oazu je da su bazeni prepuni riba. Nakon kupanja i pauze za ručak nastavljamo prema zlatnim pješčanim dinama pustinje **Wahiba Sands**. Upoznat ćete pravu beduinsku porodicu uživati u vožnji pješčanim dinama gledati zalazak sunca... kombinaciju boja i kontrast tame i svjetlosti koji pustinji daju veoma specifičan izgled... smještaj u kamp, večera, noćenje.

**V DAN 16.02.2022. Srijeda**

**WAHIBA SANDS - IBRA-BIRKAT AL MAWZ - NIZWA**

Doručak. Nakon doručka napuštamo zlatne pječane dine i vozimo se prema gradu **Ibra**. Poznat kao prolaz u omansku regiju Sharqiya, grad Ibra je jedan od najstarijih omanskih gradova, poznat po impresivnim konjanicima i proslavama



utrka na kamilama. Ibra se nalazi 140 km južno od Muscata na drevnoj karavanskoj ruti kroz omansku unutrašnjost, okružen je brdima prošaranim karaulama. Ibra je takođe poznata po svojim oazama i starim trgovačkim vezama sa Zanzibarom, što je grad obogatilo u prošlim vremenima.

U starom gradu još uvijek možete vidjeti velike kuće bogatih trgovaca koje su napravljene od blata, visoke dva do tri sprata. U izuzetno zelenom gradu pronaći ćete drveća banana i palme hurmi. Ibra je dom posebno živahnog souka. U modernoj zgradi u srcu grada možete kupiti sve, od tepiha, tradicionalnih bodeža do srebrnine po

kojoj je Ibra poznata. Nakon obilaska Ibre nastavljamo prema gradu Nizwa. U podnožju planine **Jabal Akhdaru** – zelena planina nalazi se selo **Brikat al Mawz**, ili (u prijevodu „Banana bazen“), jedno je od najpoznatijih sela u ruševinama. Sa dva seta ruševina, velikom plantažom banana, slikovitim okruženjem i starim sistemom za navodnjavanje Falaj, ovo mjesto je navedeno kao UNESCO-va svjetska baština. Zaklonjeno između ravnice i planine, ovo selo zadržalo je veći dio svog starog šarma (uprkos nedavnoj modernizaciji). U selu postoji nekoliko zanimljivih stvari koje ćemo vidjeti, uključujući tvrđavu, aktivni falaj (kanal za navodnjavanje), neke zanimljive stare zgrade koje su u procesu restauracije i gustu plantažu hurmi kroz koju moramo proći da bi stigli do sela. Nakon obilaska nastavljamo prema Nizwi. Obilazak započinjemo odlaskom do jednog od najstarijih marketa u zemlji **Nizwa souq-a**.



Souq je organizovan po vrstama robe. Tu su blokovi za voće i povrće, za ribu, za meso, za hurme, za halvu i zanatski souq. Souq nije velik i neki dijelovi su modernizirani. Sakupljači suvenira imaju također svoj kutak. Oko glavnog trga i na glavnim alejama. Nizwa je posebno poznata po izradi srebrnog kandara (tradicionalni zakrivljeni bodež). Danas indijski ili pakistanski kovači srebra pod nadzorom omanskih majstora izrađuju, posebno dizajnirane komade za turiste. Nakon obilaska nastavljamo obilaskom tvrđave. Tvrđava u Nizwi je jedna od prvih koju je sultan dao restaurirati.

Prepoznatljiva je po ogromnoj kuli. Postoji još od 9. vijeka, ali u današnji oblik je u 17. vijeku dogradio imam Sultan bin Saif Al Yarubi, isti onaj koji je istjerao Portugalce. Bilo je to doba prosperiteta i razvoja, doba kada su „putevi bili sigurni, roba jeftina, profit visok i usjevi bogati“. Gradili su je dvanaest godina. Tu su Omanci pokazali umjeće u izgradnji odbrambenih objekata. Glavna kula je promjera 45m i visoka 30m, s jednako toliko dubokim kamenim temeljem. Do polovine je ispunjena kamenjem kroz koje se penje uskim i strmim stubištem. Na svakom skretanju su debela drvena vrata, iznad kojih su takozvane ‘ubojite rupe’.



Kroz njih se proljevalo vruće ulje na napadače ili voda ako su ih pokušali zapaliti. Zavijanje stubišta je onemogućavalo upotrebu udarnih ovnova. S dvadeset i četiri topa i sto dvadeset mušketira kontrolirao se prilaz sa svih strana. Impresivna kula je utvrdi donijela auru nepobjedivosti. Sama utvrda je izgrađena iznad podzemnog vodenog toka koji je osiguravao opskrbu vodom u slučaju opsade. Unutar utvrde mnoštvo je zgrada, terasa, prostorija, stepeništa, prolaza,

hodnika i podzemnih tunela.

Praznik za oči za sve koji vole čiste linije i jednostavne geometrijske oblike. Unutar tvrđave se nalazi muzej koji prikazuje običaje i život onog doba. S vrha tornja pruža se pogled na cijelu dolinu, planine i grad Nizwu. Nakon obilaska slobodno vrijeme, ručak. U poslijepodnevnom satima povratak u Muskat. Slobodno vrijeme do večere. Večera u lokalnom restoranu. Povratak u hotel. Noćenje.



#### VI DAN 17.02.2022. Četvrtak MUSCAT

Doručak u hotelu. Slobodan dan ili mogućnost fakultativnog izleta – cjelodnevno krstarenje brodom.

**Cijena po osobi 65 EUR. Minimalan broj prijavljenih za realizaciju izleta je 10.**

Večera u lokalnom restoranu. Kasni check-out iz hotela . U dogovoreno vrijeme transfer na aerodrom.

#### VII DAN 18.02.2022. Petak

#### MUSCAT-ISTANBUL-SARAJEVO

Po dolasku na aerodrom prijava na let PC 871 Muscat –Istanbul 04:25 h., slijetanje u Istanbul planirano u 08:40.

Zatim slijedi vezni let PC 291 u 15:30 h Istanbul- Sarajevo. Slijetanje u Sarajevo predviđeno u 15:25 h. Kraj usluge.

## 1. OPŠTI PODACI O ZEMLJI

Oman (zvanično Sultanat Oman) je država koja se nalazi u jugozapadnoj Aziji. Graniči se sa Ujedinjenim Arapskim Emiratima, Saudijskom Arabijom i Jemenom. Administrativno je podijeljen na jedanaest pokrajina. Omanu pripada i enklava Musandam, odvojena od ostatka zemlje teritorijom UAE, na južnoj obali Ormuskog prolaza na ulazu u Perzijski zaliv. Oman izlazi na Arabijsko more na jugu i istoku. Veći dio države čini pustinja, a planinski masivi protežu se duž obale sjevernim i južnim dijelom zemlje. U skladu sa reljefom, vegetacija je pretežno pustinjska i polupustinjska (pustinjsko rastinje, trave.), dok je vegetacija bujnija u onim dijelovima Omana koji su izloženi padavinama kao što je Dofar, te se sreću akacije, oleanderi, kokosove palme. Oman je poznat po naftnim rezervama, pa je u skladu sa tim privreda države zavisna od izvoza sirove nafte. Razvijena je i poljoprivreda.

Površina zemlje: 309500 km<sup>2</sup>

Broj stanovnika: oko 4 miliona

Glavni grad: Muskat

Vladavina: sultan Kabus ibn Said el Said

Nacionalnost: veći dio stanovništva je omanske nacionalnosti, dok ostalo stanovništvo čine Azijati, stanovnici drugih arapskih zemlja, SAD i Evrope

Zvanični jezik: arapski

Vjeroispovest: islam (vjerska struja ibadizam)

## 2. VREMENSKA ZONA

Vremenska zona je UTC +4, što znači da je 3 sata unapred u odnosu na BiH.

## 3. KLIMA

Klima je pustinjsko – tropska. U unutrašnjem pustinjskom dijelu je vrela i suha sa velikim dnevnim temperaturnim amplitudama, dok se u priobalnim krajevima vlažnost povećava, ali temperature ostaju visoke. Tokom proljeća i ljeta puše topao i jak vjetar šamal. Maksimalne dnevne temperature ljeti dostižu i 40 °C, dok su zime nešto hladnije. Proljeće i jesen su najugodniji sa temperaturama između 25 -35 °C.

## 4. HRANA I PIĆE

Omanska kuhinja je pod uticajem arapske, persijske, indijske, azijske, mediteranske i afričke kuhinje, što odražava poziciju Omana kao ogromne trgovačke imperije na raskrsnici tradicionalnih trgovačkih puteva. Jela se često zasnivaju na piletini, ribi i jagnjetini, kao i na riži koja je najčešći prilog glavnom jelu. Većina omanskih jela sadrži bogatu mješavinu začina, bilja i marinada. Supe su takođe česte i obično se prave od piletine, jagnjetine i povrća (npr. dimljeni patlidžan). Glavni obrok se obično jede sredinom dana, a večera je lakša.

**5. ZDRAVLJE** Vakcinacija nije obavezna. Nije preporučljivo piti vodu iz česme. Mineralna voda se obično konzumira u hotelima i restoranima, a može se kupiti u većini trgovina, benzinskim pumpama i supermarketima. Neophodno je da sa sobom ponesete i kremu za sućanje. Korisni broj telefona za hitne pozive: 9999

## 6. OSIGURANJE

Osiguranje nije obavezno, ali je preporučljivo. Možete ga uzeti u bilo kojoj osiguravajućoj kući ili kod nas u agenciji do 5 dana pred put -, za cijenu/osiguranu sumu/broj dana, pozovite agenciju.

## 7. SIGURNOST, BEZBJEDNOST I PRAVILA PONAŠANJA

Oman je izuzetno sigurna zemlja. I pored toga što je stopa kriminala relativno niska, savjetujemo oprez u nekim dijelovima prijestolnice. Potrebno je izbjegavati korištenje kamera i dvogleda u blizini vojnih stanica, vladinih zgrada i aerodroma. Preporuka je da ne fotografirate ljude bez pitanja, jer time rizikujete da izazovete veliku uvredu, posebno ako fotografirate dame bez dozvole. Zbog psovanja, gestova nepoštovanja ili naklonosti na javnim mjestima, moguća je reakcija lokalne policije. Kazne za trgovinu, krijumčarenje i posjedovanje čak i vrlo male količine droge su izuzetno visoke (u nekim slučajevima kažnjivo smrću). U Omanu ne postoji razlika između tzv. lake i teške droge - kažnjavaju se istim kaznama. Alkohol prodaju ovlaštene hoteli i restorani. Ispijanje alkoholnih pića u javnosti i pijanstvo na javnom mjestu je nelegalno. Pušenje nije dozvoljeno u kafićima, restoranima, barovima, tržnim centrima, kancelarijama i drugim javnim prostorima - iako je to obično dozvoljeno na otvorenim terasama barova i restorana.

## 8. ODJEĆA

Preporučuje se poštovanje lokalne tradicije, običaja, zakona i religije i dostojanstveno ponašanje u javnosti. Potrebno je da žene nose skromnu odjeću koja pokriva ruke i noge. Osim na turističkim plažama ili bazenima, nošenje kupaćih kostima u javnosti nije dozvoljeno. S obzirom na visoke temperature, preporučljiva je lagana pamučna ili lanena odjeća.

## 9. LOKALNA VALUTA

Lokalna valuta je Omanski rijal. Novac se lako razmjenjuje u bankama, mjenjačnicama i većim hotelima.

1 € = 0.43 OMR ; 1 USD = 0.38 OMR8/

## 10. KREDITNE KARTICE I BANKOMATI

Kreditne kartice kao što su American Express, Visa MasterCard i Diners club je moguće, ali to morate prethodno najaviti svojoj banci, kako ne biste imali problema sa blokiranjem kartice

## 11. KOMUNIKACIJA

Naše mreže rade na teritoriji Omana. WiFi imate u smještajima i restoranima, tako da ćete i na taj način moći da održavate kontakt sa porodicom i prijateljima.

Pozivni broj: +968

## 12. STRUJA

Što se tiče električne energije, napon je isti kao kod nas (standardni napon 240 V, a frekvencija 50 Hz), ali je potreban strujni adapter za utičnice tipa G.

## 13. SUVENIRI

Od suvenira preporučujemo tradicionalnu odjeću i materijale, srebrni unikatni nakit, kafu, keramiku, omanski bodež, tamjan (frankincense)